

0.0.1 paṭhamasikkhāsuttam

1. sādhikamidaṃ bhikkhave diyaḍḍhasikkhāpadasa-
taṃ anvaddhamāsaṃ uddesaṃ āgacchati, yattha at-
thakāmā¹ kulaputtā sikkhanti. tisso imā bhikkhave
sikkhā, yatthetaṃ sabbaṃ samodhānaṃ gacchati. ka-
tamā tisso: adhisīlasikkhā adhicitasikkhā adhipaññā-
sikkhā. imā kho bhikkhave tisso sikkhā, yatthetaṃ
sabbaṃ samodhānaṃ gacchati.

2. idha bhikkhave bhikkhu sīlesu paripūrakārī hoti,
samādhismiṃ mattasokārī. paññāya mattasokārī. so
yāni tāni khuddānukhuddakāni sikkhāpadāni tāni āpaj-
jati'pi vuṭṭhāti'pi. taṃ kissa hetu? na hi mettha bhik-
khava abhabbatā vuttā. yāni ca kho tāni sikkhāpadāni
ādibrahmacariyikāni brahmacariyasārūpāni tattha dhu-
vasīlī ca hoti ṭhitasīlī ca. samādāya sikkhati sikkhāpa-
desu so tiṇṇaṃ saṃyojanānaṃ parikkhayā sotāpanno
hoti avinipātadhammo niyato sambodhiparāyaṇo.

3. idha pana bhikkhave bhikkhu sīlesu paripūrakārī
hoti samādhismiṃ mattasokārī, paññāya mattasokārī.
so yāni tāni khuddānukhuddakāni sikkhāpadāni tāni
āpajjati'pi vuṭṭhāti'pi. taṃ kissa hetu? na hi mettha
bhikkhave abhabbatā vuttā. yāni ca kho tāni sikkhā-
padāni ādibrahmacariyikāni brahmacariyasārūpāni,
tattha dhuvasīlī ca hoti ṭhitasīlī ca. samādāya sikkhati
sikkhāpadesu. so tiṇṇaṃ saṃyojanānaṃ parikkhayā

¹[bjts] = atthakāmā + 1. attakāmā - machasaṃ.
pts page 232

rāgadosamohānaṃ tanuttā sakadāgāmi hoti sakideva
imaṃ lokaṃ āgantvā dukkhassantaṃ karoti.

4. idha pana bhikkhave bhikkhu sīlesu paripūrakārī
hoti samādhismiṃ paripūrakārī paññāya mattasokārī.
so yāni tāni khuddānukhuddakāni sikkhāpadāni tāni
āpajjati'pi vuṭṭhāti'pi. taṃ kissa hetu: na hi mettha
bhikkhave abhabbatā vuttā. yāni ca kho tāni sikkhā-
padāni ādibrahmacariyikāni brahmacariyasāruppāni
tattha dhuvasīlī ca² hoti ṭhitasīlī ca³ samādāya sikkhati
sikkhāpadesu. so pañcannaṃ orambhāgiyānaṃ saṃ-
yojanānaṃ parikkhayā opapātiko hoti tattha parinib-
bāyī anāvattidhammo tasmā lokā.

5. idha pana bhikkhave bhikkhu sīlesu paripūrakārī
hoti, samādhismiṃ paripūrakārī. paññāya paripūra-
kārī. so yāni tāni khuddānukhuddakāni sikkhāpadāni,
tāni āpajjati'pi vuṭṭhāti'pi. taṃ kissa hetu? na hi met-
tha bhikkhave abhabbatā vuttā. yāni ca kho tāni sik-
khāpadāni ādibrahmacariyikāni brahmacariyasāruppāni,
tattha dhuvasīlī ca⁴ hoti ṭhitasīlī ca⁵ samādāya sikkhati
sikkhāpadesu. so āsavānaṃ khayā anāsavaṃ cetovi-
muttiṃ paññāvimuttiṃ diṭṭhe'va dhamme sayamaṃ abhiṭṭā
sacchikatvā upasampajja viharati.

bjt page 412

²[bjts] = dhuvasīlī ca + 1. dhuvasilo ca - [pts.] machasaṃ.

³[bjts] = ṭhitasīlī ca + 2. ṭhitasilo ca - [pts.] machasaṃ.

⁴[bjts] = dhuvasīlī ca + 1. dhuvasilo ca - [pts.] machasaṃ.

⁵[bjts] = ṭhitasīlī ca + 2. ṭhitasilo ca - [pts.] machasaṃ.

6. iti kho bhikkhave padesaṃ padesakārī ārādheti.
 paripūraṃ paripūrakārī. avañjhāti⁶ ttevāhaṃ bhik-
 khave sikkhāpadāni vadāmī'ti.

⁶[bjts] = avañjhāti + 3. avajjhāni - [pts].